

嘉慶延安府志

延安府志卷十四

建置考二

舊安邊堡城 屬定邊縣

延綏鎮志舊安邊堡東至柳樹澗四十里西至磚井堡五十里南至新安邊六十里北至大邊一里堡係宋鹽州地復爲深井明正統二年巡撫郭置成化十一年改置新安邊營成化末以定邊孤懸復守今營城設在平川係極衝中地周圍凡四里三分樓鋪二十座隆慶六年加高萬曆六年磚砌牌牆堞口邊垣長三十三里零二十三步墩臺五十一座

新安邊堡城 屬定邊縣

延綏鎮志新安邊堡東至永濟堡三十里西至新興堡七十里南至慶陽府五百里北至舊安邊六十里堡係宋夏州深河兒地中山坡明成化十一年余子俊置今堡撤舊安邊兵守之城設在山坡係極衝中地周圍凡四里三五步樓鋪一十四座隆慶六年加高邊垣長一十二里墩臺一十七座

縣冊城周圍六百六十六丈距縣城九十里乾隆二十三年知縣王錚重修

磚井堡城 屬定邊縣

延綏鎮志磚井堡東至舊安邊四十里西至定邊營五十里南至新興堡一百里北至大邊一里堡係宋鹽州地舊新興有古井以磚甃者故名明正統二年巡撫郭置城設在平川係極衝上地周圍凡三里二百五十步樓鋪一十二座萬歷六年加高磚砌牌牆垛口邊垣長一十七里墩臺二十二座

縣冊城周圍五百六十七丈三尺距縣城四十里乾隆三十三年知縣徐觀海增修

鹽場堡城

屬定邊縣

延綏鎮志鹽場堡東至定邊營二十里西至花馬池二十

里北至大邊五十里堡係成化十三年余子俊置堡城設  
在平川係極衝中地周圍凡二里三分樓鋪九座宏治四  
年巡撫劉忠增修萬歷三年加高

縣冊城周圍三百六十八丈距縣城二十里乾隆三十三  
年知縣徐觀海增修

柳樹澗堡城

屬定遠縣

延綏鎮志柳樹澗堡東至寧塞營四十里西至舊安邊營  
四十里南至永濟堡三十里北至大邊一里堡係宋夏州  
地古有柳樹澗故名明始設堡成化九年余子俊奏守永  
濟嘉靖三十七年巡撫董威築舊堡復至永濟移守于此

城設在山上係極衝中地周圍凡三里七分樓鋪一十八座隆慶六年加高萬歷六年磚砌牌牆垛口邊垣長三十里零二百三十六步墩臺四十八座

縣冊城周圍三百五十三丈距縣城一百三十里城甚固明末至

國朝未經興修

寧塞堡城 屬靖遠縣

延綏鎮志寧塞堡東至靖邊營四十里西至把都河二十四里南至保安縣一百四十里北至大邊二里堡係宋夏州地舊屬栲栳城明成化十一年置堡撤三岔堡兵守之

城設在山原係極衝中地周圍凡四里三分樓鋪一十八座隆慶六年加高萬歷六年磚砌牌牆垛口邊垣長五百四里零二百八十步墩臺五十四座

縣冊城傾塌未修按舊又有把都河堡明萬歷六年裁併寧塞

鎮靖堡城

屬靖邊縣

延綏鎮志鎮靖堡東至龍州城四十里西至靖邊營八十里南至延安府三百里北至大邊二里堡係宋夏州地後爲白灘兒明初始守塞門成化五年巡撫王銳進守筆架城八年余子俊移兵守之城設在山畔係極衝中地周圍

凡四里三分樓鋪一十九座隆慶六年加高萬曆六年磚砌譚塔垛口邊垣長四十七里墩臺四十三座

縣冊城周圍四百九十一丈高二丈東南北城門三處乾隆二十四年知縣闕邦幹補修

鎮羅堡城

屬靖邊縣

延綏鎮志鎮羅堡南至延安府三百里北至大邊半里東至鎮靖堡四十里西至靖邊營四十里堡係宋夏州地城設在平川係極衝中地周圍凡三百七丈邊垣長三十里墩臺一十座

縣冊城周圍三百三十丈高二丈至二丈四尺不等南北



城門二處距縣四十里乾隆三十三年知縣吳棗龍增修  
龍州堡城屬靖遠縣

延綏鎮志龍州城東至清平堡三十五里西至鎮靖堡四十里南至延安府三百里北至大邊五里城在漢爲龍州  
宋夏州石堡砦爲范仲淹哨馬營明成化五年巡撫王銳  
建城設在平地係極衝中地周圍凡二里三百一十六步  
樓鋪九座隆慶六年加高萬歷六年磚砌牌牆垛口邊垣  
長三十四里墩臺二十五座

縣冊城周圍三百四十五尺高二丈東西城門二處乾隆三十三年知縣吳棗龍增修

延安府志卷十五

水道考三

方志之書類皆據舊志及所報圖冊惟水道不然流既遷徙不常名亦展轉相易試執前人水經等書以核今土人所名恒十不得一好古則不通于俗徇俗又不合于古此舊志所以茫然無所據也今爲之從流溯源以近驗遠而于名經屢易者皆一一爲表出之用心雖苦而凡境內諸水無一不瞭若指掌後之修方志者庶有所遵式焉

洛水

出定邊縣歷保安安塞甘泉三縣

頁水

吃莫水

周水

阿姑泉

三义溝水

西陽溝水

紫馬溝水

空龍溝水

阿伏斤水

臭水

龜川水

甘泉

煖泉水

陰水

俗稱清泉水

以上水皆入洛皆在延安府境內

洛水出延安府定邊縣西南山海經孟山西二百五十里曰白於之山洛水出於其陽西南流注于渭周禮雍州其浸渭洛淮南子曰洛出嶽山按地形志富平有彰嶽山卽淮南之山也說文解字洛水出左馮翊歸德北夷界中東南入渭元和郡縣志洛原縣白於山在縣北三里太平寰宇記洛幡縣白於山在縣北三十里今水出縣西南流離

廟石縫中廟西北有白露山疑卽白於山也志家多以白於山爲在甘肅合水以出安化之洛水爲正原按樂史言廢洛源縣在慶州北二百七十里又曰華池縣在州東一百五十里本漢歸德縣之地卽洛源縣也今慶陽府唐宋慶州治自府東北一百二十里已入定邊縣界廢洛源縣又在其北李吉甫說白於山又在洛源縣北三里其山在定邊無疑洛水出而東南流貢水川東注之洛水又南入保安縣界洛西則甘肅安化縣也洛水經金湯城東與別源合水出甘肅安化縣東南流石合白豹川水又東入保安境志家以白於山在安化以此爲洛源者也洛水又東

南經金鼎山吃莫水西南注之太平寰宇記保安軍吃莫河在軍北一十里源出蕃部吃莫川南流在軍北四十六里入洛河不勝船筏按山海經曰陰山北五十里曰勞山弱水出焉西流注于洛今水在洛東樂史又言不勝船筏當卽此也弱讀當爲溺人之溺也山海經陰卽甘泉縣雕陰山勞山在其北當在保安縣縣西有九吾山疑卽勞山矣洛水又東南周水南注之水出靖邊縣飲馬城南流入縣界左合阿姑泉又南左合三义溝水水俱在縣北又逕縣治西又合西陽溝水又南合紫馬溝水左則空龍溝水西注之周水又東南入于洛隋書歸德縣有雕水周雕聲

相近疑卽此也洛水又南逕安塞縣西又南入甘泉縣界  
阿伏斤水注之元和郡縣志甘泉縣伏陸山在縣理東北  
有阿伏斤谷其水出又潛流伏川陸故號伏陸太平寰宇  
記甘泉縣阿伏斤水川在縣東北二十九里原出大盤山  
東南姚陰谷流入洛水今水出縣東北南流一水出野豬  
峽南注之俗稱野豬峽水阿伏斤水又西南左合臭水水  
色青黑氣微有膻或說下有銅礦致然矣阿伏斤水又西  
南右會龜川水又逕縣治北入于洛洛水又南逕縣治西  
甘泉東注之太平寰宇記甘泉縣甘泉在縣南巖谷上其  
泉去地一丈飛流激下其味甘美隋煬帝游山飲之取入

內又泉側有奇鳥一隻身胸項白足赤尾如小山鵲上黑  
下白其聲數種今泉出洛西太和山其流漸微也東則煖  
泉水西南注之洛水又逕雕陰山地理志雕陰應劭曰雕  
山在西南按山卽山海經陰山也西山經西次四經之首  
曰陰山去申山二百七十里陰水出焉西流注于洛今山  
下無水一水出洛東清泉山西流逕縣南入洛今稱清泉  
水疑卽陰水非所詳也洛水歷雕山東晉灼按水經云洛  
出上郡雕陰秦冑山過華陰入渭卽漆沮水今縣無秦冑  
山疑縣西南五里秦和山是也山海經秦冑之山洛水出  
焉蓋又述水之所經也洛水又南歷鄜州雒川中部宜君



耀州白水縣同州府澄城朝邑等縣入河

生水

出靖邊縣一名奢  
延水一名朔水

莜麥河

紅柳河

以上河皆入生水皆在靖邊縣境內

生水出延安府靖邊縣界水卽無定河也山海經孟山生水出焉水經注謂之奢延水云奢延水西出奢延縣西南赤沙阜東北流洛川在南俗因縣土謂之奢延水又謂之朔水元和郡縣志朔方縣無定河一名朔水一名奢延水源出縣南百步今縣東北塞外是朔方故治也水經注言

水出奢延縣西南按奢延故城在廢夏州西南今縣東懷  
遠縣亦其地也有水出縣東酸茨溝俗名混怒都河疑卽  
生水之原水東箭竿嶺或卽孟山非所詳矣其水東北流  
莪麥河合紅柳河自靖邊縣東來合之水出靖邊縣東南  
十里莪麥城下北流逕縣治東又北右合紅柳河水其水  
自寧塞堡東北流又東逕縣北與莪麥河合莪麥河又東  
北出邊逕鎮羅堡北又東入塞逕鎮靖堡北又東至龍州  
堡西入于生水或以爲生水別源按山海經孟山西二百  
五十里曰白於之山洛水出于其陽東流注于渭水夾水  
出于其陰東流注于生水夾水當卽紅柳莪麥水也今靖

五方月記 卷十三 五  
邊縣南有白路山疑卽白於之譌洛水出其南此水出其  
東北是合山海經說矣生水合夾水東北流出長城又東  
南入塞歷榆林府懷遠榆林二縣綏德州米脂縣清澗縣  
入河

走馬水

出安定縣俗  
名懷寧河

黑水

上一水入走馬水在安定縣境內

走馬水出延安府安定縣北高栢山今之懷寧河也後漢  
書段熲傳熲追羌出橋門至走馬水水經注膚施縣走馬  
水出西南長城北陽周縣故城南橋山今水出高相山志

家謂爲橋山水卽走馬水山在縣北八十里按水經注云  
上有黃帝冢攷地理志陽周橋山在南有黃帝冢張守節  
按括地志云黃帝陵在寧州羅川縣東八十里子午山隋  
羅川唐改真寧李吉甫云真寧縣本漢陽周縣子午山亦  
曰橋山在縣東八十里今爲慶陽府真寧縣則黃帝冢當  
在甘肅自漢以來皆言是矣又說走馬水出陽周縣故城  
南則陽周故治又在懷遠安定之間志家相承亦云安定  
縣北九十里有陽周故城二說東西懸隔中阻諸川非所  
詳矣走馬水又東右合一水又東逕綏德州清澗縣北黑  
水自延安府安定縣來東南注之水出安定縣北黑水堡

西也走馬水又東北入綏德州界又涇州治東又東北入于生水

辱水

出安塞縣歷安定延川二縣一名吐延川俗又名秀延水

浣水

俗名麻兒河

父川水

黑牛川水

李家川

革班堡水

站水

南河水

交口川河

俗名高家原水

以上皆入辱水皆在延安府境內

辱水出延安府安塞縣北西山經申山北二百里曰鳥山辱水出焉而東流注于河穆天子傳已酉天子飲于辱水之上水經注辱水俗謂之秀延水元和郡縣志謂之吐延川云延川縣取吐延川爲名吐延水北自綏州綏德縣流入今水出安塞縣北王家掌也東北流入安定縣界逕秦重嶺北浣水北注之嶺在縣西南三十里疑卽鳥山也浣水出嶺西北俗稱麻兒河按水經注秀延水東流得浣水口旁溪西轉窮溪便卽浣水之源則此水也今俗以爲麻

兒河也辱水又東于父川水東南入之水出于父山山在縣西五里東流北合黑牛川水又東逕堡子山北南入辱水辱水又東逕縣治北又東李家川北注之水在縣南三十里按水經注辱水又東會根水西南溪下根水所發而東北注辱水當卽此水俗名李家川也辱水又東革班堡水南注之又南黑龍溝水首受永平川東南注之永平川水出延安府安定縣東南黑山俗名郝家川東南流入延川縣界又東左合樓兒河水水亦出安定界又名白津川也其水至延川縣界入于永平川水永平川水又東入清澗界合于黑龍溝其水又東南入于辱水按元和郡縣志

城平縣後魏孝明帝于今縣理西三十里庫仁川置城平縣隋白庫仁川移于今理改唐城平縣東北至綏州一百里則故治當在縣境西南知庫仁川卽永平川也辱水又南入延川縣界站水東注之水出縣西禪梯嶺東逕縣治北入于辱水辱水又南逕縣治東南河水東注之水出縣西官道山也辱水又東南交口川水東注之水出延長縣西北亦名高家原水東南流逕獨戰山南太平寰宇記延安縣獨戰山在縣北四十五里山高峻險一人獨戰可以當千故名其水又東南入延川縣界合于辱水東入于河



延安府志卷十六

水道考三

區水

出安塞縣歷膚施保安延長宜川四縣一名清水一名去斤水一名濯斤水俗又名延水

渾州川水

俗名杏子河又名西川水

龍尾水

俗名小平川水

柳湖

牡丹川水

豐林川水

俗名甫水

烏邪谷水

青化水

嘉泉

俗名潘陵川

南塔水

關子口川

漱玉泉

安溝河水

以上水皆入區水皆在延安府境內

區水出延安府安塞縣北蘆關嶺西山經罷父山百七十里曰申山區水出焉而東流注于河水經注區水世謂之清水東流入上郡長城逕老人山下又東北流至老人谷旁水北出極谿便得水源隋書地理志金明縣有清水

故

在縣治北元和郡縣府施縣清水俗名去斤水北自金明縣界

流入鮮卑謂清水爲去筋太平寰宇記謂之灌斤川水云  
昔日尸毘王于此谷中濯其筋骨故名今水出蘆關嶺嶺  
北屬靖邊縣南去縣百五十里卽山海經所謂申山區水  
出而南流逕縣治西又南入膚施界渾州川水自安塞縣  
來東注之太平寰宇記金明縣渾州川水在縣西二十里  
自閭門府來至縣西今水出靖邊縣南牛頭坡南流逕杏  
子城入保安縣界俗稱杏子河又稱園林川東南流逕縣  
治東又東南入安塞縣界俗稱西川水東南流右與龍尾  
水會水經注龍尾水出北地神泉障北山龍尾溪太平寰

宇記膚施縣龍尾水出郡北龍尾溪俗亦稱小平川水東南注于渾州川水渾州川水又東南至膚施縣北入于區水又南逕縣治東右則柳湖合南河水北注焉水經注清水又東會三湖水水出南山湖谷當卽此也柳湖東北合南河水水出縣南亞支山北流左合牡丹川水水自縣西南牡丹山東北流注之合流又北會柳湖入于區水按地理志高奴有洧水肥可糲水經注謂之豐林水云清水又東逕高奴縣合豐林水豐林川長津瀉注北流會清水漢高奴今安塞縣膚施亦其東境洧水疑卽南河及牡丹川也元和郡縣志則云清水卽地理志之洧水非所詳矣區

水屈東烏邪谷水南注之水出烏邪谷按水經注奚水西出奚川東南流入清水邪奚聲相近疑卽奚谷水也區水又東青化水自安定縣來南注之太平寰宇記豐林縣青化水在縣東北四十三里自嘉泉東流入濯斤河嘉泉者耆老云水湧出飛流一丈似圖碾可嘉因以名之今水出安定縣南鴉鵲嶺俗名潘陵川南流一水自東來合之俗名南塔水東逕幡龍鎮東入青化水青化水又西南入膚施縣界又西南入于區水區水又東入延長縣界關子口川東北注之水出縣西南甘泉縣界也區水又東逕縣治南散玉泉水南注之區水又東南安溝河水東注之水出

縣南汭口東流逕安溝鎮南又東入于區水區水又東入宜川縣界逕重覆山北又東南入于河

黑水

出甘泉縣歷宜川縣俗名馬市川一名汾川水一名庫利川一名烏川水

定水

俗名白水

上一水入黑水在宜川縣境內

黑水出延安府甘泉縣東九谷溝水經注黑水出定陽縣西山二源竒發同澗一壑今水自縣東東流又南右合一水水經注所謂二源是其一也俗稱馬市川水合流又東逕臨真鎮鎮故魏臨真治唐宋因之元和郡縣志謂此水爲庫利川云昔有奴賊居此川內稽胡呼奴爲庫利因以

爲名太平寰宇記云臨真縣庫利川在縣北一十五里者也初學記按水經注謂之烏川水云源出汾川縣西北按道元以此爲黑水而徐堅所引水經乃號烏川詳其縣名亦是隋唐所置知道元之外別有書矣其水又東入宜川縣界又東逕縣治北縣北則漢定陽故治也應劭曰縣在定水之陽水經注亦云定陽縣黑水逕其縣北又東流右合定水俗謂之白水水西出其縣南山定水谷今是水之南無水以應之疑定水亦黑水之名矣黑水又東逕殺狗嶺南樂史按水經云汾川縣西有殺狗嶺者也黑水又東逕汾川鎮南鎮故縣治矣黑水又東入于河俗謂黑水曰

汾川水者也太平寰宇記又有云宜川縣庫福川合丹陽川庫福卽庫利之譌其之合丹陽川樂史誤也

蒲水

出宜川縣俗名銀川

長松水

一名丹陽川

南川水

一名赤石川

仕望川水

一名北谿

以上水皆入蒲水皆在宜川縣境內

蒲水出延安府宜川縣西水經注蒲水西則兩源俱發俱導一山出西河陰山縣初學記太平寰宇記按水經注曰蒲水南自鄜州洛川縣流入丹陽川今水出鄜州晉師山



山東北去宜川縣百里世傳晉文公駐師于此俗名此水  
爲銀川金史地理志云洛川有園水卽此也攷書傳則是  
蒲水也其水東流逕縣治北又東長松水北注之水經注  
陰山東麓南水東北與長松水合水西出丹陽山東東北  
流左入蒲水元和郡縣志謂之丹陽川云汾州魏廢帝改  
爲丹州因丹陽川爲名太平寰宇記宜川縣丹陽川在縣  
西南今水去鄜州洛川縣北界脾山東北流入縣西南境  
又東一水西北注之水出神道嶺俗名南川水亦曰赤石  
川也按元和郡縣志丹州永徽二年移于赤石川口太平  
寰宇記云在縣西北今此水在縣南赤石之名志家之所

誣矣長松水又北逕縣治東入于蒲水蒲水又東左合仕望川水按水經注蒲水又東北與北谿會同爲一川東北注河則是此水俗名仕望川也水出甘泉縣東界東流逕縣北公字山南合于蒲水或說仕望川卽赤石川水經注又有赤水出罷谷山東謂之赤石川太平寰宇記宜川縣赤水川在縣西北二里濶三百步從西延州臨真縣界流入是此水矣然按水經赤石川與蒲水各自入河赤水川入河又在蒲水之北疑此水今竭也志家說蒲水長松水西溪水多誤今依書傳考正焉又水經注云蒲水出西河陰山縣知鄜州西北宜川之西是漢陰山治陰山縣以山

名故地形志云敷城有女陰山雒川亦魏敷城地疑晉師  
山卽陰山也志家亦不言漢陰山在今何縣亦不詳地形  
志女陰山所在也水又東入于河

延安府志卷十七

吏畧一

州縣修志古者侯封一國之書也吏戶兵刑之事具體而微焉今無其官而有其吏是亦職守之所在掌故莫備于是治法莫備于是矣又况案牘簿籍雖無文章而一府一縣之文章必考端于此容可忽諸爰作六畧六篇亦字文倣周官唐人作六典之遺意也

或謂求掌故于令史而以吏戶兵刑爲綱領則紀表圖書之體不可復分如蠲免賦稅當入戶畧建置水道當入工畧充類之盡則一志但存六畧而已矣何復分諸體也此

亦不可爲知言古人著書各有義類義類不能強合司馬氏本周譜而作表然譜歷之書掌之太史而旁行斜上之體不聞雜入六典之中蓋圖譜各有專書而書志一體專重典章與制度自宜一代人官爲統計耳非謂專門別爲體例之作皆雜其中乃稱櫛括也故紀表考之後始繼以六畧庶不亂古人之成例云

方志分類不由史例故五曹皆有記載而刑曹無所隸事焉此不溯官禮之過也郵鎮設立或附于建置而保甲之立制無聞則政令有未具道里廣狹或具于輿地而軍流之遠近不晰則垂戒有不周今特作刑略以配五官非制

例亦陳法也

職官一

職官自班固作表後餘皆作志今詳班固百官公卿表其叙例亦全屬志體宋司馬光繼表百官公卿一朝至百五十卷而識者尚嫌其不詳如撰府州縣志亦踵而行之則官職更繁篇幅益廣必至經緯滑而本末混矣今畧倣班固司馬彪之例以先後序次而與選舉皆歸于吏畧焉又舊志濫載統部之官如唐之節度元之行省等類其弊又上侵省志非例也至明景泰間設巡撫延綏都御史等官則專爲延綏而設綏德明又屬延安例當并錄

巡撫巡綏都御史明景秦中置巡閱畢卽報命俱無定期  
自成化後始定爲制以右副僉都御史贊理軍務專司兵  
馬察刻事韓延安一府駐劄榆林

國朝因之康熙元年裁

明正統中

陳鑑蘇州人進士

王翱鹽山人進士

馬恭唐縣人進士

按前志作王恭誤今從陝西通志及延綏

續志前志于天順間復載馬恭亦誤今前去又續志云延綏撫景秦中

設則以上三人或係總督

景秦中

章聰金華人以御史秦贊延綏軍務

陸矩阜城人進士

曹璉邠陽人

前志曹作遣通志又作邠陽人俱誤

天順中

徐瑄嘉定人進士

徐廷璋羅山人進士

成化中

盧詳東陽人進士

王銳遷安人進士

余子俊四川人進士

丁川新昌人進士

呂雯安州人進士

楊浩

按通志及延綬鎮志皆有益據延綬延撫題名記錄入而前志不載



似失之今  
補錄入

黃敞 滁州人進士

劉忠 濮州人進士

按前志于成化中載  
劉忠至宏治時又載

劉東俱云濮州人一作舉人一作  
進士皆誤今從延綏鎮志合爲一

熊繡 湖廣人進士

王蒿 河南人進士

陳壽 遼東人進士

杜忠 鄭州人進士

徐以貞 長山人進士

文貴 遼東人進士

正德中

曹鳳新蔡人進士

黃珂遂寧人

前志在曹鳳上今從延綏  
鎮志又過志黃作曹誤

舒崑山麻城人進士

金獻民綿州人進士

吳世忠金谿人進士

姚鏞慈谿人進士

前志作  
鏞誤

陳璘陽曲人進士

前志作  
琳誤

嘉靖中

周金武進人進士

郜光先長治人進士

通志及延  
綏鎮志無

張縉巴縣人進士

蕭淮中衛桂林人進士

胡忠巴縣人進士

李如桂澧州人進士

張宏真定人進士

李淮聞喜人進士

于桂昌邑人進士

張珩石州人進士

尹嗣忠深州人進士

賈敬黃岡人進士

萬潮進賢人進士

張聽泰興人進士

張子立內黃人進士

張問行內黃人進士

楊守謙長沙人進士

前志在吳世忠下今改正

張恩天津人

前志無從延綬鎮志補入

王輪蒲州人進士

石永威縣人進士

董威信陽人進士

孫慎安右衛人進士

胡志夔安邑人進士

王遵霸州人進士

隆慶中

李尚智屯留人進士

何東序猗氏人進士

張守忠聞喜人進士

萬曆中

宋守約長治人進士

王汝梅安肅人進士

梅汝松內江人進士

前志在賈仁元  
下誤今從通志

賈仁元萬泉人進士

李春光解州人進士

劉葵通州人進士

王見賓濟南衛人進士

通志見  
作建

孫維城邱縣人進士

鄭汝璧縉雲人進士

涂宗濟南昌人進士

劉敏寬安邑人進士

馬從聘靈壽人進士

金忠士休寧人進士

董國光滕縣人進士

張之厚應城人進士

天啟中

余白強銅梁人進士

程鳳翀益都人進士

張九德慈谿人進士

朱童象萊蕪人進士

岳和聲嘉興人進士

張夢鯨齊東人進士

洪承疇南安人進士

張福璠高密人進士

陳奇瑜保德人進士

張伯鯨江都人進士

高斗光嘉祥人進士

崇正中

周汝弼商城人進士

劉令譽洪洞人進士

崔源之陳州人進士

國朝順治中

王正志天津人

董宗聖遼東人

馮聖兆東鹿人

周名南潘陽人

張中第遼陽人

林天擎遼陽人

戶部分司綜理延綏鎮餉務明中葉置駐劄榆林



延安府志

卷十七

職官

七

國朝省并中路道管理

明

按皆無年  
代可稽

張我繩邯鄲人貢士

金煉武定人進士

蔡國熙戶部郎中總理延寧糧儲

張伯鯨揚州人進士

陳良知莒州人貢士

顧言江陰人進士

王家祿黃岡人舉人遇難自刎

按以上  
皆詳前

政傳  
錄

張雲鶚永平人

國朝順治中

范印心進士

中路兵備道明初置轄綏德米脂清澗三州縣中路十堡  
駐劄榆林後戶部分司撤兼管餉務

國朝因之

明按自陳茂至張瑋  
皆無年數可考

陳茂交城人

白侃平定人

王朝遠進賢人

李玘弋陽人

嚴憲扶溝人

周龜貴谿人

孫逢古渾源人

張瑋景州人

郝文傑陽曲人

張承宗平定人

潘盛錢塘人

蘇泰麻城人

唐希介陽曲人

林珩懷安人

閻鐸陽曲人

成化中

宏治中

正德中

王進賢鄧州人

嘉靖中

姚文清陽曲人

宋璉清苑人

王璽猗氏人

張棻安邑人

張邦教蒲州人

張九叙石州人

劉欽順石首人

蔡賢湯陰人

高鑑廣昌人

王納言襄城人

王儒汾州人

范愛蘇州人

毛一言臨海人

程紳樂安人

劉燕天津人

常時平交河人

崔裴新城人

楊師震館陶人

喬應光石州人

邱文學博平人

曾震合江人

楊進道曲周人

隆慶中

郭石山陰人

劉應箕巴縣人

張志孝齊寧人

蕭大亨泰安人

范愛衆遵化人

萬曆中

李承式大同人

胡穗永寧人

洪沂蒲州人

申維代遵化人

薛鎬代州人

王汝梅安肅人

前志梅作海今依延綏鎮志

郭應嚮福建人

延綏鎮志無

常平仁高平人

延綏鎮志作存仁

趙雲翔平陰人

王再聘臨邑人

房守士齊河人進士

鄭汝璧縉雲人

趙楫山陰人進士

張悌內鄉人

劉餘澤濱州人

許汝魁湖口人

陳長胙長樂人

金忠士休寧人

張爾基大同人

宋榮樂陵人

楊邦憲益都人

楊嗣修河內人



崇正中

張福臻高密人

張伯鯨江都人

錢天錫山陽人

張亮四川人

王裕心孝義人

都任祥符人進士

李申定襄人

國朝順治二年

七年

陳培貞遼陽人太學生以副使任

十年

王原應保定人內翰林院中書舍人以

副使任

十三年

王廷諫翼城人進士以剛使任

十七年

師人淑安肅人舉人以僉事任

康熙三年

賈壯襄城人進士以僉事任

四年

周雲福清人以僉事任

七年

高光祉寧晉人前志云朱龍之變警衆

守城邊鎮賴以全多惠政

十六年

王廷弼遼東人貢士

董景祚遼陽人

以下從延綏鎮志  
續入不得年分

佟企聖永平人

莊搢常州人

三十六年

佟沛年滿洲籍遼東人

東路兵備道明隆慶中置轄葭州神木府谷吳堡三縣東路諸營堡及河西沿河州縣駐劄神木

國朝因之

明隆慶中

張守中聞喜人舉人陞延綏巡撫

萬曆中

陳廷芝錦衣衛人進士

張希名高苑人進士

蕭大亨秦安人進士歷陞兵部尚書

李文任邱人進士歷陞兵部尚書

覃應元大同人進士

洪沂蒲州人進士

胡德永寧人舉人陞苑馬寺正卿

余之貞內江人進士陞甘肅巡撫

李杜永年人進士詳傳錄

張悌內鄉人進士陞大同巡撫

董元學歷城人進士

楊繼先定興人

袁諫西羌人進士

陳性學諸暨人進士

鄭汝周定襄人進士

延綏鎮志  
作友周

高邦佐襄陵人進士

張映奎官縣人

李棲鳳臨晉人進士

吳光義涇縣人進士

天啟中

王加貞長垣人進士

楊邦憲益都人

徐騰芳寧國人

耿汝杞館陶人

楊嗣修河內人

馮從龍鄆水人

崇正中

廖起 歙仁壽人進士

樊一衡 宜賓人進士

李之茂 掖縣人進士

都任 祥符人

周汝弼 商城人

袁焜 成都人選貢

前志作  
猶誤

葉占榮 蘭谿人

賀道昶 安邑人

韓友范 保定人

李允生 咸寧人貢生以僉事任

國朝順治二年

袁壘蒲城人進士以僉事任

四年

夏廷印廣寧人太學生以副使任

六年

彭有義見前以叅政任

十年

李皓金壇人進士以副使任

十二年

彭欽四川人舉人以副使任

延綬鎮志作嘉定人

十七年

李登第廣寧人貢生以副使任

十八年

秦斌無錫人進士以叅政任

康熙三年

馮翊時慈谿人生員以副使任

六年

孟述緒遼東籍宜都人進士

十一年

楊三知良鄉人進士十四年遇變殉難

十五年

鄭端棗強人進士

十七年

遲日異廣寧人貢士

西路兵備道明天順中置轄西路諸營堡安定保安安塞  
三縣兼理鹽政駐劄靖邊

國朝因之康熙元年裁歸中路

明成化中

楊德夏邑人

楊徽河內人

李茂廬陵人

陳忠許州人

李進清苑人



劉子厚安福人

史治中

馬中錫故城人

謝顯會稽人

宋禮大興人

李葵潁州人

丁翊海豐人

杜駟徐溝人

正德中

孫修邯鄲人

田佑頓榆人

蔡需寶坻人

嘉靖中

周文熙麻城人

張宏真定人

李際元陽穀人

郭鳳翔祥符人

張大用岳池人

須蘭德州人

延綏鎮志作蘭

章甫武進人

蔣賜樂安人

張燦南安邑人

李維藩遼州人

李維宗朝城人

薛尚義河間人

趙紳武清人

黃澄富順人

王用賢祁州人

陰秉陽汲縣人

汪廷鉞崇陽人

江東濟寧人

楊錦益都人詳傳錄

劉應時洪洞人

隆慶中

張夢鯉萊陽人

萬歷中

丁誠安邑人

張更化汾州人

文作涪州人

李春光解州人

余之正內江人

徐三畏任邱人

張悌內鄉人

李楠醇縣人進士詳傳錄

蕭察汝陽人

張子忠濟寧人

劉任南城人

王夔任邱人

李維翰淄川人

張舜命商城人

畢自嚴淄川人

朱榮樂陵人

天啓中

徐紹澆宜興人

關守箴夏邑人

白貽清武進人

葉震生聞喜人

李若梓南充人

戴君恩澧州人

魏士前景陵人

張亮內江人

黃恪榮縣人

王鼎彥蒲圻人

陳纁鍾祥人

黃爾性樂安人

王世恩榆林人

據延綏鎮志補入

國朝順治元年

二年

馮世京代州人恩貢以副使任

四年

王道興遼陽人國學生以僉事任

五年

靳彥選遼陽人國學生以副使任

夏時芳廣寧人國學生以副使任

六年

白本質鐵嶺人國學生以叅政任

十一年

張四教萊蕪人進士以副使任

十三年

婁應奎寧遠人貢士以副使任

十四年

佟國貞遼陽人貢士以叅政任康熙元

年六月缺裁歸并榆林道

分巡河西道明初置專轄延安府宏治中再設中東西三

路兵備道分轄而巡道駐劄鄜州專轄本州及膚施甘泉  
延長延川洛川中部宜君八縣一州  
國朝因之

明正德中

孟準遼州人進士

甯博錦衣衛人進士

沈思崑山人進士

嘉靖中

孫樂福山人進士

王昂安州人進士

汪珊貴也人進士

陸杰平湖人進士





王崇晉 蒲城人 進士

王楠 綏德人 進士

張西銘 濱州人 進士

莊澁民 廣東人 進士

朱守志 延津人 進士

馮舜漁 蒲州人 進士

程鳴伊 山東人 進士

李廷龍 湘州人 進士

劉宗岱 濟州人 進士

張庸

李采 葭河澗人進士

李貴和 祥符人進士

胡汝欽 定興人進士

梁承學 聊城人進士

趙九思 澤州人進士

王汝濂 懷仁人進士

王國祚 祥符人舉人

楊許寧 祥符人進士

杜花生 冠縣人進士

朱朝聘 山東鉅野人進士 本道有姓

名勅如此

蕭察汝安人舉人

李根孟津人舉人

范守已洧川人進士

杜潛高唐州人進士

賀盛瑞獲嘉人進士

邢雲路安肅人進士

嚴思恭嘉興人舉人

王愛任邱人進士

李維貞京山人進士

張舜命商城人進士

秦大夔臨清人進士

董宋儒元城人進士

張文炫安邱人進士

徐順明杞縣人進士

張樸保寧人進士前志云爲政清簡官

至戶部尚書

天啟中

李春茂揚州人進士

張國銳侯官人進士

劉四瑞息縣人進士

崇正中

許鼎臣固始人進士

蔣士忠定興人進士

張允登漢州人進士

葉廷桂河南人進士

王楫泰安人進士禦寇有方越陞寧夏

巡撫

孔聞諱曲阜人進士

楊彤廷鹽山人舉人

張奇桂安肅人進士

耿應衝黃安人保舉

國朝順治中

王希舜遼陽人貢生王永強叛與李芳

珍同時殉難

宋炳奎洪洞人進士以叅政任

劉三元廣寧人國學生以叅政任

鍾鼎崇德人進士以右叅政兼僉事任

陳舒嘉善人進士以副使任

張文炳滄州人貢生以副使任

趙廷先常熟人貢生以副使任

許瑤常熟人以副使任

李榮宗遼陽人貢生

康熙三年

馬元寧遼人貢生以副使任

四年

鮑開茂長山人進士以副使任

按前中路兵備道駐劄榆林東路兵備道駐劄神木西路兵備道駐劄靖邊分巡河西道駐劄鄜州皆明制

國

朝因之先是西路裁歸中路後改榆葭道駐劄葭州又添

延綏道駐劄綏德今併爲延榆綏兵備道駐劄榆林

榆葭道

按雍正七年以前無考

雍正七年

正凝平定州人進士

乾隆十年

高晉鑲黃旗滿洲人廕監累陞大學士

兼兩江總督謚文端



十一年

白喉正白旗漢軍人監生

十二年

禮山正白旗漢軍人監生

二十一年

孔繼河曲阜人廩生

二十三年

恒光鑲紅旗滿洲人官學生乾隆二十

六年缺裁併爲延榆綏兵備道

延綏道

乾隆二十三年

王鐘鳳臺人貢生乾隆二十六年缺裁

併爲延榆綏兵備道

延榆綏兵備道

乾隆二十六年

周景柱遂安人舉人

二十七年

許宗智宛平人繙譯一等

五十年

思明鑲藍旗滿洲人官學生累陞布政

使

五十四年

楊壽楠清江人進士以憂去

五十六年

廣厚鑲黃旗滿洲人進士調任潼商道

累陞甘肅布政使

五十七年

瑞亨正黃旗滿洲人繙譯生員

五十八年

溫承惠太谷人拔貢在任七年廉明公

正恤屬愛民三邊善政不可悉數現

任西安布政使

嘉慶三年

史湛餘姚人貢生辦理軍需積勞成病  
歿于興安差次

五年

朱勳靖江人監生未及到任卽調陝安  
道

楊護金谿人甲辰進士由刑部總辦秋  
廣西司員外郎奉

旨解川餉督撫交章

奏留陝西庚申閏四月初一日

特旨補授